

UNIVERSAL
LIBRARY

OU_190584

UNIVERSAL
LIBRARY

ازجال

سيد المنسيدي

بالاسماعيليه

الجزء الأول

الفرق ف ديوانك جبينه من بحر كبير
نظامك ودررك منشوره : بالفن خير
وعظ . وحكم . كل كلامك مين زيك مين
تعيش يا (سيد) لاحوانك . خدام للدين
حسن يومي - زجال اجتماعي

الطبعة الأولى سنة ١٣٥١ هـ

{ حقوق الطبع محفوظة للمؤلف }

مطبعة النجم العربي للطباعة
بمطبعة النجم العربي للطباعة
بمطبعة النجم العربي للطباعة

(صورة المؤلف)



سید محمد حسن الحندی

الْإِهْدَاءُ

إلى أستاذي الماضِ حَسَنَ أفندي البنا

أهديك يا أستاذي الغيور * يا رب أرواحنا يا غالي [

بكل حب وكل سرور * أول ديوان من أزجالي

سيد الهندي

المقدمة

بِسْمِ اللَّهِ الرَّحْمَنِ الرَّحِيمِ

الحمد لله والصلاة والسلام على سيدنا محمد أفضل المرسلين *
وعلى آله وصحبه ومن قام بدعوته إلى يوم الدين *
﴿ أما بعد ﴾ فقد ترونا أول مختارات الشاب المثقف [سيد
افندى الهندى] فى قالب الزجل وإنما لبا كورة طيبة إن شاء الله *
وأشد ما يعجبني فى هذا الملاك الوديع شدة تمسكه بدين الله
الحنيف . وأنها لظاهرة نادرة فى شباب اليوم المثقفين *
فقد نرى الشباب وقد اهتمهم زينة الحياة الدنيا بهرجها الزائف
وزخرفها الممتوت فركبت رأسهم المعاصى وتمادوا فى ضلالهم المرذول
أما هذه الزهرة المزهرة الياقة فقد نمت فى حديقة خصبة
سرعان ما تورق عودها فأنبئت أطيب ورود فاح شذاها وكانت
فتنة للناظرين *

وإن شكرت الآن إنما أشكر الفارس لهذه الزهور المتولى

حماتها حتى ازدهرت ذلك هو الفاضل المربي الكبير الأستاذ [حسن
 أحمد البنا] فقد كان غضنفرًا فذاً . من حماة الدين . هاله أن يرى
 الشباب وقد انغمست في الشهوات فنادى بدين الله وشرائع الاسلام .
 وأشأ جمعية إسلامية كبرى سماها (جمعية الاخوان المسلمين) كانت
 لها اليد الطولى في تنقيف نفر غير قليل من شباب البلد فخلعوا
 أسمال الطيش وابععوا فضيلته وتخلوا بخصاله فكان لهم نعم المرشد
 الكبير *

وها قد برى الفارىء نفثات شبل صغير من أشبال الأستاذ كلها
 آيات بينات تنساب من قلب ملاء نور الحق وكأنها تنساب من
 هدير طاهر الأديم - فبارك الله في شباب قد أفلح - وبارك الله
 في قوم مصلحين ؟

حسن على يومى

يُذَوُّوا صَفُوفَكُمْ

الْحَمْدُ لِلَّهِ مُوَلَّانَا :	خَلَقَ الْاَكْوَان
وَشَغَلَهَا بِخَلْقِ يَامِهِ	وَبَانَسَ وَجَان
أَرْبَعُ كُتُبٍ جَاءُوا مِنْهُ	لَا رُبَّ أَدْيَان
زَبُور . وَانْجِيلَ وَالتَّوْرَةِ	وَلَنَا الْقُرْآنُ
بَيْنَ لَنَا فِيهِ الْوَاجِبُ	وَاحِدًا تَرَكْنَاهُ :
وَالدُّنْيَا غَرَّتْنَا زِينَتَهَا	يَا حَفِيزُ بِاللَّهِ
وَرَانَا آخِرَةُ فَعَلَ الْخَيْرُ	وَالشَّرُّ كَلَامُ
وَقَالَ بِحِكْمَةٍ وَأَرَادَةَ	(مُتَقِلُّ الْإِسَانِ)
مَا أَكْفَرَهُ بِنِعْمَةِ رَبِّهِ	عَمَّادِ الْمَالِ :
يَسْرِقُ وَيَقْتُلُ لِنِئَالِهِ	وَضَلَالِ فِضَالِ
وَيَصْرِفُهُ يَامِيتٍ حَسْرَهُ	فَخَمْرٍ وَنِسْوَانِ

وأخرته زى صاحبهم	فالسجن مهان
دى الوقت أصبح أكثرنا	ما يخافس الله
ولا يفتكرش فى يوم يبقى	قدام مولاه
ويقول له زى ما أمرتك	معملتش ليه :
لك الجحيم ياللى عصتني	يبقى يقول إيه؟؟
من الكسوف يسقط لجمه :	من وشه حقيق
أعضاء تكون شاهده ضده	عند التحقيق
النار تزغرد قدامه :	خدامها غلاط
الكل من عاصى المولى	تلقاه متغاط
يقول له يارب ارحمني	اعفى يارحمان
يقول له عدلى لازم منه	دا حساب وميزان
عدلى يرد الشىء للأصل	من غير محاباه
المطلوبين فرحوا وقالوا	شكراً لله :

يامسلمين كلمه صغيره	(لماصفوفكم)
خدوها من زجال لاخوان	دانا محسوبكم:
خايف تباغتنا الأعداء	واحننا نايمين
شوفوا الملاهى مليانه	جوامع فاضيين
أوقات فرغنا بنقضيهما	فى المعصيات
ولا نفتكرش الى خلقنا	غير ف الرفقات
يا خلق صارت أعمالنا	زى الكفار
الى وعدم مولانا	بدخول النار
ح نبقى ننكر أعمالنا	دا سميع وعالم
مجب نداوم ع الطاعه	يا شعب كريم:



❦ الدين يستغيث ❦

أخوكوا مره دخل ف كفيه^(١) نواحي مكتب (وليم سون)^(٢)
 جرسونه جه قال تشرب إيه عن طايي فهمت الجرسون
 وقعدت من ضمن القاعدين ع القهوه بيقولم حكايات
 وجه خطيب غيور ع الدين خطب وقال (الدين قد مات)
 بصيت لهذا الشاب لقيت مسكين عينيه بتخر دموع
 صعب على الدين وبكيت من كلتين كانوا ف الموضوع
 على مساهين ضعفوا الاسلام وصبحوا للشرع مخالفين :
 هات القيامه يارب قوام أحسن عبادك مش خايفين
 أصبحنا تقتل بعض ياناس لجل الغلوس جرى ايه مالد

(١) كفيه - بورصة

(٢) وليم سون - مقال بالاسماعيلية

الدين بتاعنا يا شيخ عباس بيستغيث من أعمالنا

فطاعتنا زادت يا هـل الجـيل ف القتل كـتـرت حـواـدثنا

غرضنا تقتل ألف قتيل لما الشيطان دا يحدثنا

تملى اسمع ف الجرائين على جناياتنا اللى بتحصل

ف برنا عن ناس مجازين م المجرمين اللى بتقتل

الشخص منا بيقتل ابوه : عشان ما يورث أمواله

ويشوف مصيبه كان لـاخوه وبعدهم يحطى آماله

وإن كان له أم ياما تتهان من بعد ما يموت الوالد

تشوف عذاب أشكال والوان من ابنها الولد الفاسد

وإن قالت له يا ابني حرام الأم مين بيدهدها :

بظهر لها فعل الاجرام يهجم عليها ويقتلها

وإن انظبط وخدوده سجنوة فلوسه تطهر للمحاماه

بص تلقاهم ضمنوه : ويبقى يوم الجلسه معاه

ألف شاهد يشهد زور	وميت يعين يحلف باطل
ويطلع المجرم مسرور	كأن مش هو القاتل
معظمنا يبحبوا الأموال	من جهم ضلوا وكفروا
خلوا الزمن أصبح بطل	والحسنين منه اندثروا
إلى حداه ألفين فدان	وم النقود حايز ملايين
ليه بالربا يعطى الغلبان	مدام يشوفه فقير مسكين
يمكن يكون عايل أيتام	والدهر مال واحد ربه
لكن المرابي يقولش حرام	عايز يزود ف مكاسبه
ما يخافش أبداً من ربه :	ويعرف أن الدنيا زوال
دا القرش بيجمد قلبه	ومن كده عايشين ف ضلال
معظمنا صبحوا يا ناس ضالين	يفكروا ف القرش لا غير
وعن عبادة الله غافلين	وزاد يقول إن الدنيا بخير
يامسلمين رح تنسى الله	من كتر حبنا ف الأموال

صبح زماننا زمن محابه فيه الفقير ماينولش امال

إن الفقير راح للميسور وقال له عايز خمسة جنيهه
مديه بمعاد وان كان معذور يقيم قوامك حجز عليه

وعفش بيته قوام ينماع للمشتري بائحث اتمان
والمشتري تلاقيه طماع عاوز يكون هو الكسبان

أول مايسمع بيع على طول يروح يفاصل فيه طمعان
تلقاه اما يفصل شيء بيقول عليه ماينفعش وخسران

ويمكن الشيء يبقى ثمين ويفقدوه المرابين *
بشمن زهيد للمشتريين ونخسره صاحبه المسكين

شوفوا الأوربي يامصريين أول ماييجى بلادنا فقير
يلتقى من جنسه مساعدين من المساعده يعيش بنكير

يادوب يروا عليه سنتين إلا وحده ثروة وأطيان
وبيوت وباعد عنه الدين ويبقى من ضمن الأعيان

حى ايد على ايد بتساعد وايد لوحدها ماتسقفش
 واحنا الفايطجى اما يواعد بعد المعاد يحجزع العفش
 الدين بتعنا مايومرناش نأخذ من المحتاج ملیم :
 أكل الربا دا ماينفعنash يوم القيامة ياخلاق عظیم
 دا يوم يشيب فيه الأطمال يبقی المرأى فيه ياويلاه
 ماينفعوش لابنين ولا ملل (والأمر يومئذ لله)

﴿ بُدْعَةُ الزَّارِ ﴾

نسواننا بالبدع اشتهروا ليه يابن الدار
 وحقى ضحكوا على دقوننا بحكاية الزار
 تلقى المره تقول للراجل جسمى تقلان
 وعائزه ابيت منديلي عند ام زيدان
 يقول لها ازاي يا مرأتى أترك دايبات

ف دار فلانه المشهوره	بشيخة الكودبات
الزاردا بدعه تقول أبداً	شوف ام خليل
اشمخنى دى امبارح ودت	عندها مندلى
وشوف كان ام محمد	واست ام أمين
وناس كثير ودوا أترهم	عند ام يسين
وانا موديش مندلى	ليه يعنى حرام
وكتين منه ومنها	يتخنفوا قوام
يبقوا ف نكد مع بعضهم	ليل ويا نهار
ومن تقارهم وزعيقهم	يتلم الجار
حريم تقول له بلا فضيحة	و بلا استبداد
ياشيخ مراتك مشى لها	طلب الأسياد
ويبلغونك ف صاحبنا	لعاية مايلين
وان لان عدوك يركبها	ميه وتسعين

لا كوديه عشان	عفر يت وتاحد منديلها
لها ع اللى بيان	تصحها لها وتوضح * *
والا يونانى	ان كان عليها شيخ قبضى
ايه ياخوانى	فأترها يطهر ودى بدعة
حلخال وحجاب	ان كان بقى مسلم يطلب
باسم الوهاب	وديك وحفظه مكتوبه
ولا لهنس فرون	وخر وف سمين وبكون أبيض .
توت عنخ امون	وطرحه بيحه وجلابيه
يلزمها تيجيب	وان كان جريحى أو قبضى
المسيو صليب	مقص آل وصباغ كافر
وتقول له قوام	وترجع الست لجوزها
فى الفرش وانام	هات اللزوم احسن مارقد
ما تعرضنيش	واموت ياسيدى وتعدمنى

دانا مراتك وحبيبتك	ما ترزعلنيش
يصعب عليه من لهجتها	ويروح ع السوق
يجيب لها كل حاجتها :	علشان ماتروق
طلباتها تحضر وقوامك	ميت شمعہ تقيد
على كرسي فوق منه (الحنه)	ودا بدع أكيد
الناس تملی تقول يا بني	إن العفريت
يخاف من الولعه ويهرب	من عود كبريت
وازاى بيحضر بالذمة	على كتر النور
واحنا كان بنصدق به	ونشم بنحور
اشمعي بس المصرية	يركها الجان
أما المدام لافرنجيه	بتعديش ف أمان
لادق تعرف ولا كوديه	تنشد ألحان
يوسف مشخلع ومدلع	على كل ميدان

حفیش یام سرئی کلام من ده	عند الأروام
غیرش احنا بس بنتشعاق	بالمدع قوام
فی بدعة الزار بنیعزق	جنیهات ومفیش
أبدآ فواید شفناها	من دی التهویش
ماشفنا م الرار ده إلا	کفر النسوان
تدیج بهم وتاخذ دمه	تعمله صلوات
على صدرها بدعه تکفر	فینا اشهرت
الحرمة تکفر ولا تشعر	من إیه کفرت
والکفر شوف ارای ظاهر	زی المصابیح
باين بأن المر یوحه	کفرت بصحیح
والکفر ذنب عظیم جداً	ملوش الا النار
وذنهم داف رقیبتنا	یا الله یاستار

أكم بدع حلت دننا	مكروهه وعار
بدع كدير قوى ياأخينا	متن سن الرار
الارادا (تشنج) عصى	ياسيد العارفين
مايلزموش لىس وصيغه	دا كلام مباحين
كلام ماينفعش ببصله	ولا قشرة قوم
مادمنا به مش ح نحصل	ولا ألين قوم
أما ان تر كناه نتقدم	ونفوق ع الغير
نبقى أحرار ف بلادنا	وتلى بخير

﴿ أزمة سنة ١٩٣١ م سنة ١٣٥١ هـ ﴾

الازمه يوم عن يوم بتريد والحال صبح كله معسر
 طول السنه واحناف تنكيد ياخالق والله حاجه تحسر

كفرنا لازم بالنعمة

الازمه فى الأرطان عمت فقير غنى مهبها يسكى
قال العني الأموال حسمت أما الفتيار حسره يسكى
أنا حتى نعت جوز الجزمه

الوقت أصمىح يقدرنا : من بعد ما نكون قدرينه
حتى النحاس اللى ف دارنا عند المبيض رهنيته
مع أن له عندنا لارمه

العسر طال والله علميا والدمعه بتفر من العين
سنه تمام طالعه عنينا وادى احناح نطبق سنتين
طال المطال واحنا ف نغمه

بين الضلوع ساكنه الحسره والقلب فيه النار قايدة
واللى حداه مسكين (أسره) شبع مرار ولا فيش قايدة
ياخلق من صرف الهمة

الحجز داير ع التجار والحاله سوءها مطهقهم
فى كل يوم حمين انذار دايره الحكومه تفرقهم

وتقول لهم خطوا (الفرمة^(١))

وأبو اراهيم جارنا الفلاح م العتر طلق ستوته
 يشكى م القور النطاح ويقول دا طفحني الكوته
 وخلي عيني بقت وارمه

وأبو العيال يقول عايز أحيب ملابس لولادي
 (الوقت) قال له مش حايز تحيب لهم في الازمه دي
 دي الماس بتيكي وف عمه

بقي الوطن كله ف تأخير لما طلمنا ف بعضينا هـ
 والروح بقت عند المناخير والعيشه أمر من الكينا
 أكترنا مش لاقى اللقمه

الوفر دار ف الشعاله أشعال مفيش ولا تقديه
 يأسنا من سوق الحاله إيه الطريقه العمليه
 يا ماس قولولي بالذمه

خلاص بقينا بنوحوح والفقر كسر لقلوبنا °
 ماشفنا يوم حلو يفرح من يوم ماعشش ف جيو بنا
 مرر عيشتنا ابن الصرمه

أرجع وأقول ان دا كله غضب سلينا من المولى
 لو كنا ديمًا نخلص له يعمنا السعد علولى
 احلاصنا عيات بالجه

كانوا ناس زمان لله تعالى يتذللوا لو تتمعر
 وقوام بأمر المسجلى تروق وتحلى وتقيسر
 ويمقوا في خيرات عمه

مش زينا عافين عنه بنشتمكى اليأس لغيره
 والرحمه والعفران منه والدنيا ملياه بخيره
 خيراته فى الأكوان جه

فك العسير وشيل الازمه من البلاد المصرية
 واصاح يارب حال الأمه وشمع الناس نقديه
 وامنن علينا بالرحمه

﴿ فضل جمعية الاخوان المسلمين ﴾

(نظمت ما يأتي عن لسان شبان يقرءون بفصل

جمعية الاخوان المسلمين عليهم)

الحمد لله مولانا ملك الملوك الى نهانا

عن المعاصي وهدانا

نطريق المور

أمر عباده بتوحيده الجن والانس عبيده

والعبد لما يطيع سيده

دا يكون مشكور

واحنأ يا عالم قصرنا تفصير شديد فيما أمرنا

رب البريه وأكثرنا

أصبح يعصيه

(۲۳)

یاما خلائق مالمیه عن العبادہ مقتضیه :

أوفات فراغها فی معصیه

شیء لم یرحیه

قبل اجتماع دی الجمعیه بمدينة الاسماعیلیه :

كان كل مشيدنا ومعصيه

شمان فاسدين

من غير مؤاخذه فلاتيه وحشاشين وسكريه

وحب عيشه ونموه

نسانا الدين

كان كل مكسبنا يوماتي نرميه في بار (الكلفاني)

طغاشي . عرت . سكراتي

ياما كسبوا فلوس

(۲۴)

وکل یوم کان والتانی نا کل محاضر یاخوانی

ياما كلنا في القسم بوانى

من اید (محروس)^(۱)

شبان وعایشین فملاهی الماوی بارات ومقاہی

م الخمره تتأني دواهی

ومن المريمات

حب الحریم نایبہ جسیمہ :: واللہ الحریم خایہ لثیمہ

شَفِنَا الْحَيَاةَ فِي السَّمَاءِ

وکتب روایات

القصـد كانت أعمالنا فطـيعة راجـحة بدخلنا

جوه الذيران ولا على بالناس

کے نا ضالین

(١) محروس - شاونيس بيوليس الاسماعيليه وكان

$$a \cdot \frac{1}{b} = \frac{a}{b} \quad a \cdot \frac{1}{a} = 1 \quad a \cdot 0 = 0 \quad 0 \cdot a = 0$$

غير الجور وغير التحشيش والمصبصه والحب مفيش

وفعلنا فعل مايرضدش

رب العالمين

ولما حب اللى بارينا رب العماد أن يهدينا

لنوره جاءت تناديننا

دى الجمعيه

دخلنا فيها اتعلمنا بعد الصلال أحكام ديننا

وتوبنا لله وندمنا

ع المعصيه

والآن غرضنا ومسعانا مع رئيسنا اللى هدانا

ندل ع الخير ويانا

شبان دايرين

فى طريق فساد زى مادورنا ومسخره قبل دخولنا

(٢٦)

جمعية الاحوان كفا .

معهم ساير بن

يهي الكمال كل مرامنا تؤدي دعوة اسلامنا

على طاعة الرب عزما

والعزم ظهور

لنا أمل نحي السنه أدى اتوا شايفين ياخواننا

. المدع زايده ف زماننا

عن كل عصور

حريم رجال فيه مبتدعه يا مسلمين ومن البدعه

سنة دينا نقت صايحه

والدين ف آلام

عايزين يا عالم نحييها في عصرنا ونركيها .

واجب علينا نعليها

شرط الاسلام

غرضنا نوری لباس ضلالت
طریق الاله لجل على الله
قلوبها تخضع المولى

وینالها رصاه

وناس أساؤل ضلاليه قالوا عاينا مهائيه
طلمتنا والله الباس ديه
مهم لله

شاحنا ف سبیل الله محادين
وكلا ف السكون زاهدين
وقصدنا تطهير الدين

من دى الأرحاس

الدين بقاعا محوارحنا بطهره لو أرواحنا
تروح فداء شى - يفرحنا
قبيل ما ينداس

وحتى من ضمن جهادنا عملنا جامع ف بلدنا

(٢٨)

ومدرسه والى ساعدنا .°.

ع الفعل إياه

ناس مخلصه ع الخير ناويه فرحوا ببنيان الزاومه

من شدة الايمان عاويه

تعمل لله

يما خلائق اتقياً تعمل لدينها بجنيه

بدل الجنيه تصرف ميه

ف طاعة المنان

يا نجت من يصرف ماله فى فعل خير دا يبقى له

نعم الايمان وهنيه له

برضا الرحمن

ما ينفع الانسان إلا ما قدمه من فضل الله

أما البخيل لاحول الله

ف النار يندس

يا خازن الأموال ما تفوق ذا الموت محايذك يا مخلوق
وانت مجمع المال مفروق
على إيه كده بس

﴿ تخويف العصاة ﴾

دائمًا تقضى كل أوقات فراغك في الملاحى ليه ماتعبدش الاله
ينوبك إيه خلاف قلبه دماغك لما تبخل ع اللى خلقك بالصلاه
مت هواك وطاوعت الشيطان واللعين زين لك السكه الرذيله
نخبط بكره راسك فالحيطان والندم يكثر على ترك الفضيله
سوء فعالك بالغ الشيطان مناه

كاسات الحجر قاعد ما انت سائل فاكر ان الرب غايب م الوجود
دا انت ضيف ف الدنيا وف يوم منها راحل
(عبيد) فاني ليه يكون قلبك جحود
ربنا شايف عمايلك في سماه .

ليه تعصى الله وما تخافنى العذاب تصحى السون وتسكرف الباراد
والعلم ف الحاماله حساب ويا شحك يا لى غاوى المنكرار

وف معاصى لرح تقصى الحية

شبان الايام دى يا بيت الف حشره فعالمهم مذموم ومسعاهم صلاح
تلقى منهم بالكثير فى المبه عشره مخاضين لله ويحسوا الحلال
لما طاعوا المولى رادهم من هده

والى يفتح لك (ياسيد) ميت مراره يلقى اسه الشاب ابوه يصرف عليه
وبسلامته لما يدخل جوه حاره المعارله يلقى عامل نفسه بيا
م العياقه حاطت (المودره) ف قماه

رح يحملك يا لى ما تخافنى الرقيب يوم عظيم مقداره زى الف عام
عاصى ربه يلقى له موقف صعب بين ايادى المولى فى يوم الزحام
يوم ترحب نار جهنم بالعصاه

فوق دماغك ليه تشيل أورار كثير

والرقيب ويا العتيد راكبين كناؤك

يا ابن آدم ليك قلمك ضرير وانت عند الله منكروم عن خلافك

اعمى يوم الحشر رح يبقى بعاه

واللى ما غروش بمولاه العرور والشيطان ما أمكموش يصمك عليه

يبقى يوم الفصل ماشى وحوله نور نور إيمانه شوف نسعى بين يديه

والرسول ف الجنة يتقال معاه

يا هنا اللى ف الحياة الدنيا كان قلبه حالى لى خلقه ده ينوز

بالرضا ويكون له ف الجنة مكان للتنعم وبرسول الله يلوز

وف جنان الحمد يوجد مشتهاه

جنة الفردوس مأوى المؤمنين اللى طاعوا الله وعملوا الصالحات

امتى أشوف شبانا بيقوا مخلصين يصرفوا قوة شباهم ف الطاعات

أرجو رب العرش يشملهم رضاه

﴿ ناس الزمان داو أهل زمان ﴾

من العدم أنشأ الأكون	: الحمد لله المنان
خلق من الطين الانسان :	بقدرته وكبر عظمته
: وفضله بالعقل كان	وصوره ف أحسن صوره
ما خلا هوش ف الدنيا حيوان	خلق له عقل يعبر بيه
عشان يبص بها ف ملكه :	كان جعل له ف وشه عيين
رفعها دون حد يشاركة :	يشوف (سما) من غير عمدان
ولا حبل متدل ملسكه	وقر مهش مسنود على شئ
وشمس بتخليه دفيان	ويشوف نحوم منظرها جميل
والحق طاهر فيها تمام	خلي له كل الكون مريات
وهي سايره بكل نظام	الدنيا من يوم ما اتخلقت
ولا النهار بيكون ف ظلام	لا الشمس يوم طلعت بالليل
والحق مش عاوز برهان	الصنعه تبني على الصانع

ومن سماه تنزل ميه وتختلط بآيات الارض
 يطلع ثمر اشكال والوان رزق العباد شيء لم ينقض
 خلق سمك . وطيور . ودواب عشان عباده مايكلوش بعض
 ويستحيل يحصل اهل ! في خلق مولانا الرحمن

(نعم) اله العرش كثير ماخذ يقدر يحصيها :
 عطاها للعالم علشان يؤدوا واجب معطيها
 وينكروا فضله عليهم وطاعته مايهونوا فيها
 أنزل لمعرفة الناس بيه ثلاث (كتب) قبل القرآن

وابلغ كتاب هو الرابع : نزل على قلب (المختار)
 بلاغته خلت كل فسيح : عدم فصاحته ونقى مخنار
 (كفار قریش) فالوا وغيرهم على النبي واحد سجار
 والبعض اسلم على يده : وصاروا من اهل الايمان

صفت قلوبهم للخلاق واخلصوا له في أعمالهم :

نور الحقيقة خلاصهم ضحوا بحياتهم وبما لهم
 يعد الهوان في سبيل الله النصر وعد الله جالهم
 من ضمن أنصار الدعوه عمر . وأبو بكر . وعثمان

بعد النبي الساف الصالح بأشد عزم الدين نشره
 والحق من دون الباطل بعالي همهم نصره
 وحهم كان ف الزايد لبعض والاخلاص طهره
 ف الطاعه كل اجتماعهم والبر والخير والاحسان

وان حد يوم قلبه اتغير من يم واحد بيصارحه
 بكل شيء منه بداله يروح قوام دكهه مصالحه
 ما ينجا يهرش زعلان منه والثاني يصفح ويسامحه
 يعود صفا قلوبهم حالاً ويفضلو أحباب اخوان

وان حد كان بده يعاهد واحد وواثق فيه هوه
 ياخذو العهود مع بعضهم على الصداقه والحوه :

ويطلعه على أسرارہ : الی ف ضمیرہ من جوه
 يلقاه الأمين الی يحافظ ع السر ديمًا بالكتان
 والابن كان طابع لآوہ مش نالی فصل التريه
 لأنه رباہ وهو صغير بكل عذب وحنیه
 صرف عليه دم قلبیه عشان ما يطامعش بالیه
 لكن كبير الفرق مابين . ناس الزمان دا وأهل زمان

في عصرنا الابن اما يكون كبر خلاص والدي منه
 يقوم يسيء على ابيه آدیه وبده أبوه يصيح ابنیه
 وينسى حق التريه والفضيل يترد لجبنه
 حسك تقول إن دا بكب مدام غصب والاه المنصان

وان خدت لك واحد صاحب واديته سرني غ الماشي
 وعاهدته ع المصحف يمكن ف ساعه برضه يروح فاشي
 وينسى ايده الی بسطها وقت الدين رلا شلهاشي

ويبقى مخلص قدامك	ومن وراك سوسه وتعبان
لو شخص دات مره اتأثر	من حد ما يحلبوش سيره
ويخلى قلبه متعكر :	من جهته أ كبر تعكيره
والحد فيه عمال يولد	والوش فيه النكشيره :
وايش عرف الثاني زعلد	مدام ما فالوش أنا زعلان
من قلذ التقوى العالم	كلوا الربا والزور شهوده
ح الحق داسوا برحليهم	والباطل إن ميل سندوه
الماس دى س أنا مش عارف	م الدنيا إيه اللى ح ياخدوه
بالدمه طالت غفلتهم	وقلبهم أصبح مرصاف
كلوا الخايق والله زمان	يخافو بطش اللى خلقهم
وأما الآن لول يهم	طعوا وفسدت أخلاقهم
باين عليهم مش خافين	انار جهنم تحرقهم
تعف إيمانهم يا خساره	تمادوا حالص ف العديان

يا هل ترى ضلينا يا ناس والاه الشيطان استولانا
ولأمتى نفضل يا خلائق عاصيين أوامر مولانا
يارب اطلقك بعبيدك ارحمنا واتولى هدايا :
اجعلنا من أهل الطاعة واعصمنا من فعل الشيطان

﴿ التوبة الكاذبة ﴾

في نص شعبان بيتونا ناس هلس كثير
ويصوم وارحمان وف آخر ربحان ما يطير
تمص تلقاهم حالا رجعوا الجامير
كان مال الدين قيمه عند السكير
وان كان بعيد عنكم واحد سكرى وحناس
غفلان وعاصى طول عمره ما بير كعهاش
سكر ويفضل ف ملاهي طول الايام

سهرين فالعام	وقلباں کن لما يتوب له
بالصلا والصوم	فی رمضان يشعل نفسه
بتماثر يوم	وقبل رمضان ما على
تانی زى ما كان	تلفاه رجع للمعصيه
وصيام رمضان	بايه د' تنفع صلواته
ح يصيع الدين	ومن كده تلقي ياخويه
عمالوا الفسائين	وزاد کن 'سدنا بناتنا
تلقى الفستان	ميت ألف موده ولارکبه
محن النسوان	من غير کلام وسفور زاید
على قص الشعر	حلقوا الصفاير يا مصيبتى
تحلق بالشهر	الست ليه عند مزین
واحنا زایدین	أوربا بتخف سفورها
يا مصر يوت	ف البدع وأعمالنا فطيعه

المصري ليه يودي كريمةته	مدرسة الروم
تترك دياتها وتعمل	تحفظ ف علوم
أورو باويه وتتعلم	والعلم كيمير
على بال ماتكبر يلاقها	راغمه التنصير
وعايزه تبقى ألافرنكه	والا افرنسيه
المزمزيل (بكينه) هانم	بزياده عليه
وف الزمان دا ناس يامه	بيحبوا المال
وبالربا عايشين أمرا	ويحوزوا أموال
أنا مش بقول ع الأغنيا	أهل الأحسان
اللى بيزهدوا ف الدنيا	ويدوا العلبان
إسكن كلامى لناس خلوا	اسلامنا ضعيف
ومعرورين ف زمن فانى	الطف بالطيف
طال الأمد صار معطمانا	بقاوب جاحدين

زى الحديد لم يبلينوا	أبدآ للدين
أعمالنا دى رايحه تضيع	منا الايمان
كفى ياناس خلونا نبقى	زى اهل زمان
نخاف من المولى وديما	تتفكر فيه
ميقتنين انه خلقنا	وح نرجع ليه
ونفوق لديننا ونسنوعظ	ونكون عارفين
بالله ونعرف إن احنا	لله راجعين
مفيش مفر ولا مهرب	رح نهرب فيه
يجب نطيع أمر بارينا	وبلاش نعصيه
ونحفظ الدين ونحلى	ايماننا شديد
ونكون ياناس امه تقيه	والتقوى تزيد
ف قلوبنا يا إخوان حتى	يرضى الرحمن
علينا بابتغا مرضاته	نخطى الغفران

والسنة لازم نحییہا ونحی البدعات
 ونلم علی قد ما تقدر حبل الستات
 ونحیب بناتنا بعلمهم فی مدارسنا
 وبترك التریه الی رح توكسنا
 ونصوم رمضان ونصلی بقلوب حاشعین
 وقد إمكننا نزکی ندی العایزین

﴿ الأسراء ﴾

ربنا أرسل (محمد) م العرب ازکی رسول
 جاء بالدين القويم الی مشهور بالأصول
 رحمه للناس أجمعین

أدى مولانا الرسول الرسالة ع التمام
 زى ما كانت بتنزل وحی طبعاً أو منام
 لم ینم قلب الأئمین

(٤٢)

صاروا قسمين القبايل يا هذا من كان مساعدته
والى كان منهم معاكس ف الدارين يستلقى وعده

الى راح يشفع له مين
ظلموا منه المعجزات قال كديرهم هوتوه
والنبي من حسن خلقه كان حلیم عالى يسيؤه
أصبحوا به مؤمنين

أدهستهم معجزات ليلة الاسراف رجب
الى أسرى الارب فيها بالنبي أركى العرب
رمز دين المسلمين

أسرى رب العرش ايللا بالحبيب اللى اصطفاه
ليلة الاسراء نبينا مين يا عالم نال علاه
جاله بالدعوه (الأمين)

الأمين (جبريل) نزل له م السما ومعاه (براق)
قام طامع وياه وصلى بالرسل والانبيا
رحبوا به المرسلين

(٤٣)

وعلا السبع الطباق والملائكة من وراء
حتى عرش ذوالجلال لما شافوا النور غشاه
وقفوا هم مسبحين

والأمين حبر بل تحلى عن رسول الله وقال
دا الحبيب والمولى ربه شاهد (أحمد) نور جمال
رنا الحق الممين

سيدنا موسى حين نزوله قابله في إحدى الطباق
قال له يا حير البريه يا حتام الأسياء
أو امامهم مأمومين

قوللى إيد اللى انت جيت به للحلايق م الاله
حارب المختار وقال له كل يوم خمسين صلاه
ع الحلايق منروضين

قال له من غير أمر ارجع واسأله التخفيف شويه
قام رجع خير الانام جاء بالاوقات دهيه
خمسة بس ومبروكين

صبح، ظهر، وعصر، معرب والعشا الوقت الاخير
لما نديهم حقوقهم ؟ نلقى ثوابهم كبير
ننكتب م المقبولين

ربنا بيهم نهانا عن جميع المنكرات
الى ما يرضاش عملها لو مداوم ع الطاعات
نلقى من أهل اليمن

إنما فيه ناس كثير حالفوا علام العيوب
لما فعلوا المنكرات كسيوا المديا الذنوب
آه يا ويل المذنبين

والمصيبه الناس دى تعرف إن شرب الخمره منكر
وتلاقيها برضه دائماً : تغضب الرحمان وتسكر
منهم ضاع اليقين

منهم الى صحيح يتوبوا أشهر الحرام الثلاثه
وأما تخلص دى الشهور يتركوا العبادات بتاتاً
ع الفساد متعودين

بعد ما كانوا يمشوا زى سعداء الدارين
يدوا للديان حقوقه والسمح ماله الأيدين
أصبحوا م المذمومين

إلى عاصيين الإله دائماً إيه رح ينزبهم
م المعاصى ويستفيدوا إيه خلاف كثرة ذنوبهم
فيه (كرام كاتبين)

حلل أعمال ابن آدم كل واحد له كتاب
يكتبوا عمله الملائكة فيه إلى يوم الحساب
يوم يشيب فيه البغين

يمقى يا ويل إلى كانوا غفلانين ف الدنيا حاصل
عن حقوق الله وكان الشيطان بالطبع ها يص
حتى حاتم عزرائين

الشیطان عمال يضلل ف العباد ملهوش مهمه
بده كل الحلق تذكر أما ملعون ابن هريره
طب دا ديننا أقوى دين

لما تَمَسَّكَ دِينُنَا ف الدارين باقى السعاده
يرضى رب الكون عاينَا بالمدامه ع العباده
الى بيها مأمورين

كل مسلم ف الوجود يبقى للخلق مطيع
يُحْطَى بدخول الجنان رننا يهدى الخبيع
حتى يبقوا مُخْلِصِينَ

﴿ أول رمضان ﴾

هات روايح شهر الصوم مفروض ع القوم
كل سنه صيام ثلاثين يوم عدوا الأيام
ويمكن الصبح يا إخوان أول رمضان
الى نزل فيه القرآن : وآياته كرام
الله أمر فيه الانسان يستعنى جعان
طول النهار إلا العيان معايش صيام

من كرمه قال بعد المغرب زى ما تطلب

نفسك يا عبدى كل واشرب نعي "لاكرام

ليكن نهانا عن المنكر واحما تننكر

وفعلنا فعلى يعكس : دم "الانسان

دى عين أخوكم يا ماشافت خنق ما حافت

من الاله ف سنين فانت فايا رهمسان

بقت أشوف لك اس خاطر عماين صايمين

كانهم م الناس حايفين دا الحوفم الله

وف الحقيقه دول صايمين عن محمد الدين

وان راح لهم واحد مسكين وطلب الله :

ما يدلو ش قرش يحيب به شىء يفطر به

والعبد رزقه على ربه : اللى ما ينام

وشهر رمضان دا يمين كل حنين

والشحاتين فيه تمحين : تحبانه تمام

شهر الکرم شهر الحسنات	ادی الشحات
احسان بدون مایقولک هات	زکی بقرشین
وان کان فی بابک من شمس . نین	أو فر اللبس
والحر فقیر محتاج ملین	بره بصحنین
مش تمبی تا کل ست اصناف	وهر وکناف
وتسبب جیرانک تظطرحاف	ولازمها عموس
خلی ف قلبک حنیه	دی الاتقیا
ف الشهر دا بیوتها تکیه	أكل وملوس
و بقیئت اشوف من نسواننا	وکل جیراننا
طالب الدقیق ویا السمنه	داعایه تدقیق
تقول خوزها لنا عایزه و طیر	انشا الله تطیر
وتحیب الی طلبی بدون تأخیر	یا یكون لی طایق
ان کان فقیر حیر و روح بالور	لواحد میسور
بتول له هات احسن معذور	ف فایل من المال

(٤٩)

ياخذ الفلوس زى الجنون	ويقول ممنون
وتنكب على قلبه ديون	ع الميه ريال
كل مرابى دون تلقاه :	مايخافش الله
يوم القيامة تكون مأواه :	نار يدخلها :
لازم نعيش على قد الحال	يا ابو عبد العال
وربنا يصلح لاحوال	ويعدها :
وبقيت اشوف شبان ماشيين	بقلوب قاسيين
ضالين وم التضييل ناسيين	اسم الرحمن
الشاب منهم ايل ونهار	من قهوه لمار
من اخوكم لسه صغار	وماشى سكران
تلقى الجدع يمشى مشقع :	وتوبه مرقع
وان كان سليم يبقى مبقع	والناس شايفاه
ديماً مخالف أمر الله	وتابع لى هواه

(م - ٤)

سم الخورح يهد قواه والنار مأواه

وعندى كله مفهومه لكي ياحكومہ:

أمة محمد مطلومة وعليكي الحق

بتمدى تصريح لأجانب جايه مصايب

تضرنا شاب وشايب وأساس للفسق

مش يكفى سايبه حریم تزي برخص علي

ضيعتى ديننا وليه يعنى ياحكومہ حرام

فعل الفساد فى أمتنا: هان كرامتنا

وراضيه ليه ياحكومتنا دامش اسمه كلام

﴿ آخر رمضان ﴾

ولى شهر الصوم لحاله وانتهينام الصيام ••

واستلم (شوال) بداله دام بقا كوالكل عام

يا أفاضل يا كرام ••

الى صام الشهر والله	من رضاء الله بناله
واللي كان فاطر لعله :	ربنا عالم بحاله
كل شهر صيام أشوف	في السما جل جلاله
يمقو زاحين الصفوف	ف المساجد خلق يامه
إن يا حظ الشهر راح	بالطرايش والعمامه
تلتقيه ساب الصلاح	وان رحل يا الله السلامه
هو شهر الصوم دابسى	معظم الى كان يصلى
أما باقى العام يا مرسى	لما شهر الصوم يولى
يا خلاق إيه جرى لنا	عاده عند الناس على
مش نحاف أحسن ضالنا	الى مفروض فيه الصلاه
	نبقى عاصيين الاله
	نحتمب ما فيه رضاء
	لما نعصى أمر بارى
	الميين دا العمر جارى
	ربنا بأعمالنا دارى

معظم الشبان يا حسرہ الشيطان نحس نفوسهم
 في حشيش نسوان وخمره دائما راهبين فلو سہم
 غير ذنوب بتشييلہا روسہم

عنکوا يا شبان بلعنى في العبادہ مہونين .
 قلتوا ليہ نصلی يعني واحنا لہ صغيرين :
 الی ضامن عمرہ مين :

مين يصمن بالذمہ عمرہ انہ ح يعبدش للمشب
 دا التقى من سن صغرہ تلمقيہ للدين حبيب
 آخرتہ زى الحليب

العبادہ ہى اول شيء ح يسألنا عليہ
 ربنا ساعۃ ما يسأل مجتہدہا يعمل ايہ
 لما يبقی بين يديہ

ليہ تقلل في العبادہ واحنا بيہا مؤمنين
 واتخذنا البدع عادہ فعلنا دا يرضى مين
 فہمونى^١ يا مسلمين :

إمّتى يا إسلام حنجشى ربنا ونخاف وعيده
 عيب يكون أعمالنا وحسه نغصبه واحنا عيده
 كل أرواحنا بإيده
 كل مسلم عيب عليه لما يترك فرض ربه
 العبادہ بس ليه تقسى يا خالق حاسبوا
 حاسبوا أنفسكم وعاتبوا
 عيب يكون اسلام ونترك الصلاة وبقي ف ضلال
 م الضلال قربنا شرك لما شفنا أمدنا طال
 إمّتى ح نسيب الضلال
 ربنا يجعل ذنوبنا م الذنوب المغفورين
 ربنا يصلح قلوبنا حتى يأتينا اليقين
 قولوا يا إخوان آمين



❖ زفاف استاذى المحبوب حسن افندى البينا ❖

الليلة الفرح الأ كبر وبلوغ القلب منها
مين يقدر منا يعبر عن فرحه وكتر هناه

قلبي من شدة فرحه . . بيهنى حبيب الدين
وقلوب الاخوان شرحه واللى ينكر كده مين

ازداد الانس حبور والغبطه اليه منسوبه
الليلة سرور فسرور م العمر مهش محسوبه

وحقيقى جمال ف جمال زايد ولا يتقدرشى :
لما اوصف حسن الحال منسح اخلص بله تقدرشى

الطيرع الأغصان غني والجمع غشاه النور
وملوك حضرت م الجمة بتهنى عريس مبرور

مخلص للمولى وقلبه طاهر من يم الدين .
محفوف بجلال من ربه له هيبه وعزم متين

غيور ومضحى بماله وحياته كل ماله
 خمسين ألف هنيهه له ينفعنا الرحمن بيه

يحب الرفعه لدينه ويدل الناس ع الخير
 والفضل يعود ليقينه وثباته وحسن السير

ياحبيب الدين احبابك سرتهم ليله أنسك
 من ساعه كتب كتابك يهنوا القلب بعرسك

دى جميع الناس بتحبك والكل بلغ مأموله
 واللى خلانا نحبك (حبك ف الله ورسوله)

وقيامك يا محبوب . . ربططنا بنشر الدعوى
 خلى رسمك ف قلوب أهل الايمان والتقوى

عملك لله مشكور وعليه الناس مطالعه
 وماحدث ينكر نور الشمس اما تكون طالعه

ف صفاتك زى ملاك واحلى من الشهد كلامك

حفظك ربك وحماك	ورفع قدرك ومقامك
اكمنك شهاب وتايب	بتحب شرف وعفاف
رزقك مولاك بنسايب	من ناس أمرا وأشراف
شوف عم الحاج حسين	دا اخوك ف الله وجيبك
وكان من بخته الزين	خلاه الشرع نسيبك
أتهني وعيش ف سعاد	تامه وف عز وفير
وابلع م الحسني زياده	يا مربى الروح يا أمير

﴿ زفاف صديقي السيد افندى ﴾

ربنا طبعنا أمرنا .	بالجواز اكمنه عال
لجل حفظ الدين بتاعنا	جل شأنه ذوالجلال
انت يا متجوز انعم	بالنعيم الى انت فيه
وانت يا الى لسه عازب	اجتهد ف السعي ليه

اسعى انك نبقى صاحب	بيت ويبقى الك عيال
ربنا طبعاً أمرنا
السرور عمال بيكثر	والهنا عمال يزيد
لما شافو الأنس وفى	باجتماعنا دا السعيد
كل دا علشان عريسنا	بلعه ربه الآمال
ربنا طبعاً أمرنا
عندى كبه بدى أقولها	تسمحولى والا إيه
باس كثير باسمع، سحط	ع الجواز معرفنى ليه
طب دا بيه الدين بيكمل	اللي بيذموه رزال
ربنا طبعاً أمرنا
الجواز دا فيه فوايد	يامه بس الوقت فين
واللى اشوفه الوقت إنى	أختصرها بكامتين
ياللى نفسك فى العروسه .	اجرى شوف بنت الحلال
ربنا طبعاً أمرنا

وان لقيت روحك فقير شوف جوازه قد حالاك
وان نصفت ابعت قرايبك يخطبولك بنت خالك
واوعى تحمل هم رزقك حتي لو جبتهم عيال
ربنا طبعاً أمرنا

اوعى يابن الأصل تطمع في عروسه تقول غنيه
عندها أقوال وتنفع ساعة الأزمه الماليه
شوف فتاة من أصل طيب أولى ما تطمع ف مال
ربنا طبعاً أمرنا

عبشة العزاب أخوك شافها ما هتش ع المزاج
هيا يا عزاب جميعا اسعوا في أمر الزواج
ابنى (مصلح) قاللى يا با يالله جوزنى (اعتدال)
ربنا طبعاً أمرنا

قلمت حاضر عن قريب يا ابني تفرح بالجواز

قالى أوعى تجيب فى فرجى	خلت (شخلم) ^(١) والا (باز) ^(٢)
والنقوط منك ياأنا	زجل أقوله ف لاحتفال
ربنا طبعاً أمرنا
العرض يلزمنى ارجع	الكلام الأولانى *
من صميم القلب اهني	العريس كل التهاني
الى فرحه حلو خالص	منظره باهى الجمال
ربنا طبعاً أمرنا
يا عريس اتهمى وافرح	بالعروسه وشوف مزاجك
ياسى (سـيد) ياوجيه	زيد فى أنسك وابتهاجك
يا حبيب القلب يالى	من سرورك فرجى طال
ربنا طبعاً أمرنا
ربنا يكتب سعادتك	عنده فى أم الكتاب

(٦٠)

انت والأحباب جميعاً اللى شرف واللى عاب
أسأله يديم المحبة والصفاء والاتصال
ربنا طبعاً أمرنا . . .
فى المسرات اتقى أهني كل أحببى العزاز
فى جواز وطهور ولما ييجوا طالعين الحجاز
وابقى أنا فى الحج معهم ع البواخر والجمال
ربنا طبعاً أمراً بالجواز اكمنه عال .
لجل حفظ الدين نتاعنا جل شأنه ذو الجلال

﴿ محاوره بين أعزب ومتزوج ﴾

(بمناسبه زفاف صديقى رجب افندى محمد على)

متزوج - أهنى من كل وؤادى وجوارحي كمان
عريس ليامتنا الخفافى رجب المنصان
سرورى زاد لما لقيته ساب العزاب

يَكْفَانِي عَذَاب	وَقَالَ خُلَاصَ أُنَاحِ اتَجَوِزْ
وَسُرُورَ وَهْنَاءِ	شَافَ الْجَوَازَ نَعْمَهُ وَرَاحَهُ
مَاشِوْفَشَ عَنَاءِ	وَكُلَّ وَاحِدٍ لَهُ زَوْجُهُ
مَا عَرَفَهَا إِزَايَ	خَطَبُوا لَهُ بَعْدَ الْعِزِّ وَبِيَّةِ
مِنْ شَرَبِ الشَّايِ	كَانَتْ رَاحَهُ تَنْشِفُ دَمَهُ
يَا اللَّهُ يَا شَبَّانِ	فَضَلَ الْجَوَازَ دَاكِبِيرَ خَالِصِ
وَإِخْذُوا الشَّيْطَانَ	عَلَى الْجَوَازِ اسْعُوا وَاجْرُوا
اسْمَحْ لِي يَا أَخْ	عَازِبَ - بِكَلَامِهِ وَاحِدَهُ مِنْ فَضْلِكَ
يَقْعَمُ فِي الْفَخِّ	يَعْنِي أَنْتَ عَاوِزُ شَبَّانِنَا
بِيعْبُشَ مَرْتَاحِ	إِزَايَ تَقُولُ الْمُتَجَوِّزِ
وَتَقُولُ بِمَزَاحِ	لَا زِمَ جَنَابُكَ بِتَقْوِزِ
وَفِ رَاحَهُ تَمَامِ	لَأَنْ مَحْسُومَكَ عَازِبِ
وَلَا فِي الْأَحْلَامِ	مَاشِوْفَهَا وَاحِدَ مُتَجَوِّزِ
شَيْءٍ مِ الْطَلْبَاتِ	فَإِيْقَ وَرَاقِيْقَ مَا وَرْهَشِي

ومستريح من قوت
 ملوش عيال بقول يابا
 ولا حرمه تمسك في خناقه
 متزوج - برزقك زوجتك وعيالك
 المولى ما بينساش خلقه
 عازب - على كل حال برضه العازب
 متزوج - وليلاقي لما ينام وحده
 ينام فريد للصبحية
 وتحت دش الحنفية
 من يوم جوازي وانا ف راحه
 من كل شيء ارتاح بالي
 ع - إن كنت انت اللى ف راحه
 تملى بيسب ويسخط
 م - هو المسيطر على بيته
 أنا عازبه . وهات
 عاوزين جلايمب
 إذا كاش يجيب
 ما تش ملزوم
 ما تشيلش هموم
 ما فى حمل عليه
 تستاهل إيه ؟ ؟
 ما معيش ونيس
 يلعن إبليس :
 وسرورى مزيد
 وبزوجتى سعيد
 غيرك مختار
 ويقول دا مرار
 والسب دا ليه

مدام محسن أخلاقه	رح يحصل إيه
ع - جازي تـكون هي عنيدہ	فاسده الاخلاق
من فعلها يرمى عليها	ميت ألف طلاق
م - تتعلم الاخلاق منه	لو هوہ نبیہ
أما الطلاق دامہش لعبہ	رح يحلف بيه
ع - وغير كده أسباب مانعہ	بعض الشبان
من الجواز وانت عارفها	ودارسها كمان
م - ايه اللی مانع شباننا	ما تقوللی امال
ع - مانعہم المهر الغالی	ووقوف الحال
القرش أصبح له عوزه	والاصل ملوش
واحد أصیل وقتیر حبہ	مايجوز هوش
م - فيه ناس كثير لم بتدور	على كتر المال
وعايزه ناس م المعروفه	بالاصل العال
وناس كثير ع العزويہ	ديما ساخطين

الدين	بتم	عارفه السعاده الزوجيه
ناس	انما فيه	ع - بتم طبعاً أنا عارف
		مزعليننى ف حاجه ثانيه
		م - قوللى ما فيش بأس
ولا لهش لزوم		ع - بيصرفوا مصروف هائل
لهو كان ملزوم		وع العريس المصروف دا
ومغنيين :		عاوزين مغنيات لازم
جوه الصواوين		تلقى الحريم والرجاله
ألف مراره		وحاجات كتيرم اللى تفرتك
عنده حراره		لكل غيور على دينه
شئ مش محمود		ن - ربك يجازى اللى بيعمل
فرضه المعبود		أما الجواز فرض علينا
حالا علي طول		اسمع نصيحتى واتجاوز . .
		تفوز بخلفه وزريه

ع - دا کلام معقول

یصح یاعزاب نخطب فی بنات الیوم
دی البنّت تفرح لو جوها عرسان بالسکوم
وابن الحلال قلبه یدله علی بنت حلال
لوع الجواز من شباننا یحصل اقبال

﴿ زفاف صدیقی اسماعیل افندی عز ﴾

اللیلہ دی زفاف اخینا سی (اسماعیل عز) الوجیه
لیلہ نادیه ع الحباب والقرايب فرحو بیه
أخ مخلص قد تزوج فرح الاخوان زواجه
کل واحد منازاد ° ° فرحه خالص وابتهاجه
کل اخواننا اللیلہ دی فرحوا خالص یاسمعین
وبله حل السعد بیها ° ° والقلوب متهنین *

اتبهج وافرح وزيد فرح واتمني بعروستك

ربنا يديك سعيد يا فخر والشمس زوجتك

جيت أهنيك لما قلبي الهنا أصبح ماليه

أما انا ما قدرش اعبر قد إيه الفرح فيه

يس باوصف من سرورى شىء بسيط للحاضرين

الى حضروا وشرفونا واحنا بيهم مسرورين

ومحصورهم راد هنا واجتماعنا صار أنيس

دا انتوا آنتونا حالص ثم شرفتوا العريس :

فى فؤاد محسوبكو كلمه اسمعوها وصدقوني

مشرح الكذب لما أقولها وان كذبت ابقوا الضربوني

قصدى أقول إن الجواز سنه ديني وفرض واجب

فيجب أن يسعى ليه كل واحد لسه عازب

الجواز بالذمه أحسن م العزوبه العذاب

دا العازب لما يولع لمتته يتعاص هباب
 تنطفئ وهو نائم ف الطلام وحده يخاف
 يانفت ويصحن حننه ما يلاقيش غير الاحاف
 لو ح اكثرتم الكلام دا كل عازب يشمئز :
 فانا اسدنه أحسن واهي مى اسماعيل افندى عز

من فوق رؤوس الجميع *

بمناسبة انضمام (جمعية الحضارة الاسلامية بمصر) للجمعيات
 لاهوان المسلمين استبراخيت والاسماعيلية. والحمودية وقلت مايتي
 انبأ عن فرع الاسماعيلية .

مولانا ياللى اليك مرجعنا بعد الحياة
 لما اعتمدنا عليك : نلنا جمع العايات
 والنصر ما بين يديك انت العزيز الحكيم

أُنزلت دين الحقيقة :	يارب وانت ف علاك
وهديتنا لاقوم طريقه	مرضيتش لينا الهلاك
وف حفله حلوه رشيقه	جمعت أهل النعيم
كان كل واحد ف وجهه	انت المجمع يارب
الفرقه ديمًا كريحه	اكن لأمرك تحب
والحفله طبعًا وجيهه	بكل مخلص كريم
لنصر دين الطهاره	ضحيت يارب الشعوب
لنا جماعة الحضاره	ألفت بين القلوب
مش جهد منا وشطاره	دا فضل منك عظيم
مكنك حب الاخوه	ف قلوب تملئ تناجيك
جعلته ثابت بقوه	اكنه طاهر وفيك
خليت يارب الفتوه	علينا أميح هزيم
دين الاخاء المفدى	بالمال ياناس والبنين

لجل التآخى النهاردا نادى اللى له مخلصين
 اسلامنا دين الموده أعداؤه أهل الجحيم
 للألقه يدعو رحاله بسرعه حالا قوام
 بس تكلمه تعالوا الله عليه يا سلام
 ف الدنيا مفدش مناله بالحق هو القديم
 والله النهاردا اجتمعنا مع بعض يا اهل الايمان
 والفرح مالى اجتماعنا والشر زايد كان
 دا كله لما أطعنا أمر اللى فنه-له عميم

 من (شراخيت) وفد قام ووفدم (الحموديه)
 (١) حضرنا معهم قوام الكل كتله قويه
 عاويه الجهاد التمام أبطال وليهم رعيم

 أملنا محو الفساد ونشر كل الصلاح

بذلنا كل اجتهاد بدون ما نحمل سلاح
 والرب ويا العباد الى ضميرهم سليم

 بالطمع لما لقينا : الدين ح يبقى ضعيف
 ارواحنا هانت علينا لنصر ديننا الحنيف
 انشالله تطمع عينينا ويكون عذابنا اليم

 لا بد نبقى أسود وفيما كل الشهامة
 مدام بقينا جنود لدين عروس القيامة
 عاهدنا رب الوجود والعهد طمعاً قديم

 مانسبش ديننا يهان واحنا رجال ف الوجود
 دى الوقت آن الآوان نترك مصيبة الحمدود
 ونحتمع فى الميدان قدام عدوه اللثيم

 الائتلاف والحبسه قبل ماديرنا يصيع
 حتى يرفرف علمنا من فوق رؤس الجميع
 والبدع دا الى أمامنا نمحيه باذن الكريم

وقفنا ديعاً ياربى واجعلنا أهل الوفاء
واكفنا شر الخبي وارزقنا كل الصفاء
يا لى انت عالم بقاى أنت الرؤف الرحيم

(الرياضة)

بمناسبة الحفل الرياضية التي تقيمها كل عام
مدرسة الاسماعيلية الابتدائية الأميرية

الرياضة شىء كويس الرياضة شىء جميل
الرياضة عال تخفف كل جسم يكون ثقيل
صحة الابدان لذيدة هى لذة الحياه
تيجى م انكمباز تملى والسماحه ع المياه
الحياة ماتكونش حلوه إلا بالصحه التمام
والكده عاملين معاهد للرياضه فى الانام

عن مثل طبعاً سمعتوا دا مثل ساير عميم

قالم العقل الصحيح يسكن الجسم السليم

والنجاح للأمة ييجى من نطافة العقول

شوف بلاد العرب فاقت عنا واحنا فى حول

إنما بالسعى نبقى زيهم واحسن كان

دى العلوم الأصل منا والشواهد من زمان

من دواعي الفرح شفنا للرياضه قسم على

فى مدارس الوزاره شىء يفرح الاهالى

شىء يسر القلب منه شعبنا ديماً نبيل

والحكومه مشجعهاها فلها الشكر الجزيل

يا حكومتنا الشكر ليكى انتى ياوزاة المعارف

انتى أسباب التقدم للوطن والكل عارف

قد حضرنا اليوم نشاهد هذه الحفلة الرشيدة

لما جينا فرحنا خالص م المشاهده بالحقيقه

شفنا أفعال التلامذه نفرح القلب الحزين

هنيؤهم ياللى جيتم النهار دا مشرفين

ابنى (مصلح) لما يكبر دغرى اجيبه المدرسه دى

لجل يطلع واد مدرج م التلامذه العينه دى

يا تلامذه شدوا حيلكم مدرستكم عال وجيبه

واضمنو الرحك والنجاح والفلاح مادمتوا فيها :

وختاما فليعيش الملك ويدوم صفاه

والوزاره دى اللى خلت شعبنا ح ينول مناه

قولوا فليجى محافظ : منطقة خط القنال

وليعيش مأمور بلدنا واللى شرف لاحتفال

فليعيشوا مفتش الوزاره أجمعين

يحي ناظر مدرستكم واللى فيها معلمين

﴿ حفلة توديع ﴾

لصاحب الفضيلة الأستاذ حسن احمد البنا افندى مؤسس جمعية
 الاخوان المسلمين وصاحب فكرتها : عند سفره من الاسماعيلية
 إلى مصر . بمناسبة الاجازة السنوية للمدارس الأميرية . قدم
 مودعاً ومقرراً بفضلها مايتى : -

يا لى أفضالك علينا	طاهره كالندر المير
انت رببت الصغير	انت رببت الكبير
جيت بذلت الجهد كله	وانت ع الاسلام تعير
درت تخطف القهاوى	لجل إحياء الضمير
شفته بيطالع ف روحه	والايمان كان رح يطير
وعظك العالى المؤثر	فتح القلب الضمير
خلى شبان البلد دى	خافو من سوء المصير
حاموا حولك لما شافوا	فضل بديانك ظهور

لك بنا هايلا مشيد	فالمدملمهوش نظير
واللى ينكر نور جهادك	كل واحد مش بصير
العا . صابه ف عيونه	أو مزرب أو مكير
م اللى قالوا الضهر صالمة	وف (بؤنه) الزمهير
ينظروا بعينهم يشوفوا	جل مولانا (القدير)
انشباب دى الوقت طاعوا	رنا باخلاص وفير
نور الايمان قلوبهم	من كبيرهم للصغير
أخلصوا للمولى خالص	لما تنافوا الحال خطير
لم يبالوا ف نصر دينهم	لو يباتم ع الحسير
واللى بث الروح دى فيهم	ينصره المولى النصير
إلى ناكر فضل : عامل	بص شوف تصبح خبير

جت يا أستاذنا الأجازة	وانت عازم ع المسير
إيه دوا للصبر قوللى	يشترى العبد الفقير

مشح يحلى الزاد فى بقة لو يكون العيش فطير
 يوم بعداك عام بطوله ليه دامش بيكون قصير
 لولا راحتك فى الاجازه كنت لازم استجير :
 فى المعارف والا ابعث ميت تطلم للوزير
 يا حبيب الدين يا (بنّا) بعدكم مش شىء يسير
 دا النهار ان شمسها عابت مشح يقدر يستنير
 يا حبيب القلب بعداك يجعل الانسان يحير
 خفف الهجران دا عني وارحم الصب الاسير
 الوداع ياتاج نفوسنا ودع الاخوان وسير
 فى حمى الرحمن وحفظه بس اوعى تعيب كثير



(حفلة تكريم)

مناسبة طلوع الشيخ حامد عسكريه الواعظ الديني إلى (الحجاز)

عم الشيخ حامد أستاذنا الفاضل

ح يسافر بكره الصبحيه

وازاى الواحد يصير ياسي كامل

دا ح يوحش أهل اسماعيلية

امبارح جاني قللى على غفله :

أنا بكره مسافر لحجاز

عرفت اخواني قالوا نعمل حفله

ونودع فيها الاستاذ

أستاذنا إلى الصبح مسافر

على مكة بلد الاسلام

ادعيلنا تـمـلى واهو ربك فادر

يوعدنا بالحج قوام

ونزور بيننا الهادى (محمد)

وتمس إيدينا الشباك

يا (مكة) نادينا وياشيخنا الأجد

ماتأخذنا على مكة معاك

﴿ حفلة تكريم ﴾

(بمناسبة نقل الشيخ حامد عسكريه الواعظ

الديني من الاسماعيليه إلى شبرخيت)

ليه ياعم الحاح حامد بس تعزم ع الرحيل

والله رح يألنا بعدك ياواعطنا ياجليل :

دا احنا لما ماشو فكشى يوم بمقدار عام طويل

دائماً عايزين نشاهد رؤيتك ويستحيل :

إننا ع البعد تقدر ساء، والاخلاص دليل

اللى ح يصبر قلوبنا : إيه يا عم الحج : فيد :

طبعاً إنك رح تقول : واعظ البلده الجديد

هوه دا برضك عشمنا والعشم طبعاً أكيد

مرحباً بالشيخ (محمد) الترحب به مزيد :

وعطكم به رح يكون البلد ديماً سعيد :

﴿ حفلة تكريم ﴾

أقامت جمعيتنا (جمعية الاخوان المسلمين بالاسماعيلية) حفلة

تكريمية لصاحب العزة (على بك السكيلاي) المفقش بوزارة

المعارف حينما زارها فقلت

نور السعادة هل لنا وقد بدا الليله ف دارنا

لمنتهى السعد وصلنا لما سعادة البيه زارنا

وحضرة الناظر وياه ومعلمين لابتدائية^(١)

عشان حضور صاحب العزه (على بيه الكيلانى) بلدتنا

قد استنارت من نوره الى ملا جمعيتنا

جمعية الاخوان ف الله طوبى لها والتهنيه

دا فضله ع التعليم سامي نفع المدارس بعلومه

ما قدرش اعبر بكلامى مقدار فضائل معلومه

إخلاصه للاسلام وصفاه خلو عقيدتنا قويه

نور الايمان بالله ظاهر على وجه زير مستبشر

وجهه المنير قلبه الطاهر جعلونا بالخير نستبشر

الله يبارك له ف تقواه ويزيده هيبه وحميه

البيه محافظ على دينه مؤدى فرض الله باخلاص

مخلص ف عمله ويقينه مش ركعتين لله وخلاص

نهنشه بطاعة مولاه كل التهانى القلبيه

(رَوَايَةُ : الثلاثة أشخاص)

« عبد الرحمن • فهمي • اسماعيل »

ع - لى صاحب اسمه فهمي بس غايب مش بشوفه
 انما واد سكرى خالص والسكرى كايين من كيوفه
 والحشيش خارب دماغه والقبار واخذ فلوسه
 كل يوم يتقضى وقته ف الملاهى الله يحوسه
 بدى اقابله اديه نصيحه تبعده عن دى الهموم
 الى ح تلت حياتاه : تقتله زى السموم
 ف - فاش واحد م الشوارع دا كان معايه من زمان
 كان يصوم رمضان تلى واد مصلى ملوش امان
 فال يصلى الفجر حاضر خدلى بالاك م الفساد
 قلت له يوم يالله نسكر قال لى روح العب يا واد

الغرض مارضتش اکتر سیبته راح و دخلت بار
بار (طناشی) فضلت اشرب بیره و امر (بشبار)

﴿ المقابله ﴾

ع - مرحباً أهلاً وسهلاً یاسی فهمی کنت فین
کنت فین بالذمه غایب عن صدیقك جمعین
ف - انت فاكر يوم ماسیتك رحمت داخل بار (طناشی)
کان ضمیری انی آخذ شب بیره و تنی ماشی
اتوزنت و جی خارج الصحاب ندم علیه
اللی ع الباب رجعونی واللی فاعدین مسکوا فیه

﴿ سکوت ﴾

ع - طب و بعد ما مسکوا فیک مش تکل لی الحکایه
ف - اصلی مکسوف احکیمهالک ربما تزعل و عایه
ع - مش رُح ازعل بس احکی بدی اعرف ایه جرالک
ف - صلی اول ع الرسول ثم خد و یایه بالک

﴿ باقى الحـكايه ﴾

بعد ماسكرنا جماعه قلنا يا الله نروح نحشش
 السكاره فرحو خالص قصدهم طبعاً بفرفش
 واحنا قاعدين فى الخانه جم ثلاثه مخبرين
 عم رصوان واو علوه واجهل الثالث دا مين
 راحوا ماسكين دغرى فينا قالوا يالله ع البوايس
 كلبشـونا وربطونا زى كل المحابيس
 لما رحنا القسم جالك عم (محروس) بالعصايه
 تنه يضرب قلت عمده فين ياريتـه كان معايه
 ع - ليه ياخويه بتفتكرنى لما كان الضرب فيك
 تستمنى لى الأذيه روح يا شيخ الله يحازيك

ويتركه فيقول له

ف - طب تعالى لما اكمل الحـكايه واتي سوف
 اللى جاز على منها ف المحافظه يا ابو عوف

ع -- قول قوام الفجر قرب بدى أصلى ركعتين
ف -- ما انتهيت وبالاختصار اتحبست جمعتين *

جمعه منهم شيل جرادل من شخاخ المساجين
تانى جمعه خلوا عقلى زى عقل المجانين
ع -- لما شفت إن عقلك رح يودع مش تتوب
توب لربك دى المعاصى منها تكتر والذنوب

ف -- مشيراً إلى وجهه

الخور حلوه ولديزه شوف تخلى الوش أحمر
دايت لما تدوقها مره كل ساعه تحب تسكر
ع -- أسكر ايه مادمت أعرف شرها سقم وأذيه
ف -- أمال ايه بس الحمار دا ع دى علامه جهنميه
اسماعيل -- ياجماعه ايه جرالكم الزعيق مع بعض ليه
ليكو ساعتين فى مشاجره فهمونى سببها ايه

س . ف

روح تقول لك ع الحكايه وانت قول بالحق واحكم
 ا - واحد واحد ككوني لاندوش معرفش احكم
 ع - افعاره ان الجدع دا قصده يدح ف الخجور
 والخجور أدى ات عارف شربها يحلب شرور
 ف - سدك منه ومن كلامه شوف كلام السكرابين
 كيه حلوه اسمعها منى (يا الله نسكرا سمعين)
 ا - نسكرايه الله يسمك انت ناسي الأسبوعين
 دانت لو تعرف ضررها دغري تحلف ايمانين
 ان ما تشرها عمرك ولا تعرف حشاشين
 ولا تصرف فيها قرشك

ف - الكلام داف شرع مبن

الحنيش والحجره طيب ح اجتنبهم والقمار ؟ ؟
 ا - شئ يخسر ثم يحلب للفلوس الانذار
 ع - مهما تكسب فيه ح تخسر مكسبك راحية أبوك

- انت تخسر زى غيرك والمكاسب للبنوك
 ف - طب وايه قواكم كان ف الكوكاين اللعين
 اللى بنشمه دقيق لجل مانده عجيب
 ا - مناخيرك ناقصه حته
 ع - طب وفين النخاشيش
 ا - نحتوشبنه دول وكلهم الهورين ويا الحشيش
 ع - اه يا نارى ايكنت منى منه لامشى مستقيم
 ف - طب خلاص ح اسمع كلامكم تبت لله العظيم °°

﴿ منالوج الختام للثلاثة . معاً ﴾

- شوف الخور يا بن الأوطان ازاي بتعمل ف الشبان :
 والا الحشيش اللى مخلى تلتين وطننا صبح تلفان
 وادى القمار ضيع مالما والكوكاين بنشمه كان

تلقى الجذع فالسن صغار	والشم هالك له الأبدان
يسرق ويقتل على شمه	ويقضى طول عمره فأسجان
من الزقازيق لابوزعبل	ويشوف عذاب أشكال والوان
يابن الوطن عندي نصيحه	ياللى تحب تعيش منصان
طبع الآله واحفظ نفسك	تعيش سعيد ماتشوفش هوان
وخلي سيرك ودليلك	من الأحاديث (والقرآن)
وابقى افكر ديماف الموت	والعمل فيه حساب وميران
يوم الحساب يبقى الفاسد	له ف الجحيم الذين فدان
والاي يكون عمله كويس	له الجزاء جنة رضوان

﴿ لابن الصياد ﴾

الى حضرة الأديب الفاضل محمد افندي نجاتي

الشهير (بابن الصياد) فى شر بين ﴿

المسلمين صرفوا الهمة فى كل فساد

وليـه مصهين بالذمه يابن الصياد

ياسى نجاتى ما تستعجب على دى الاحوال

وشوف حالتنا اللى تشبب شعر الاطفال

تشوف العجوز اللى يسكر والحبيب كحيان

ويمشى ف السكه يجعر زى الحرفان

والناس تقول شوف الشايب ازاي سكران

وهو ينسر الحايب اكمنه جبان

ينخش جوه الجاره : يصرف ف فلوس

وحايعته ف البيت محتاره مش لاقيه غموس

والادهى من دا اما تشوفه طالع م البار

عميان وزى المتلشش : من شرب النار

وعيال تقول سكران طينه خلفه بهليل

ويشوف عدوك م العسكر كل تبديل

يوصلوه القسم وعظمه زى الفتافيت

من البوانى الى آكلها ويا الشلايت

يرحبوا به السجنانه اتفضل خش

وان كان من الضرب ما فاقشى ياخدوه ع الدش

والتش لو يغاط غاطه يدوه شهرين

ما ينفعوش صاحبه (منولى). ولا صاحبه (حسين)

وشوف كان الى بيقتل علشان يسرق

حاجه بسيطه ويتهدل مش شىء يفلق

والا الى غراه الدنيا تلقاه معرور

يرمى أخوه شقيقه ف داهيه بشهادته الزور

زمتنا صبحت تتعير على نص ريال

وضالنا زاد مش نستعبر

ح نبوت ف ضلال

أرجوك تستف يا نجاتي ف الخلق الدون
وانا اساعدك بحياتي وأكون ممنون

حکایه

اسمع' حکایه عن واحد فقیر دخل عند الأ'کال
وقال له أکلني أما اشبع أ کله لذیذه بقدریال

فرح قوی صاحب المطعم : بالمبلغ الی رح یاخده
من دی الزبون قام خضر له خصار علیه لحمه (دیده)

ولما جاب العیش ملقاش شیء م الی کان متقدم له
قام رح وجاب له غموس تانی ما وجدش عیش و لقاہ و کاه

یعی ثلاث أربع مرات والشخص دامایشبہ شی
زعل توی الطباخ دا وقال لامتی رح یفضل یحشی

عاز نقول له أکلت کثیر مکسوف قوی اکمنه مقاوله

هقام الغرض جمد قلبه و مال عليه بكلمه وقال له

تحب تشرب قال أبداً ما اشر بش الاف نص الأكل

لطم على خدوده الطماخ اكمه شاوه بهذا الشكل

خد الريال منه وقال له هوانت (غول) لسه ما كلتش

لا بد تدفع شيء ناني طلع جيو به وقال فتش

ما وجدش وياه تقديه صعب على الطباخ حاله

عطاه ريالاه اللى اكل به عش-ان يوكل به عياله

وقال ياعم ادى ريالاك : واياك تعتب هنا تانى

لو كان زبايني دول زيك ما كستش افتح دكانى

﴿ أشواقى الجمه ﴾

لحبيبي المسافر

للبعد طول قوى خالص و بقيت ف الام

(٩٢)

ويوم بعادك بشعر به بيمر بهام
ونفسي اشوفك يا حبيبي واحطى بروياك
وتعود ليالى الفرح اللى قضيتها معاك

لابن حالى العزيز

اشتقت لك يا بن الخاه والمعد صبغنى ف حاله
ونفسي اشوفك يا بن يوسف اسمح تقى يوم وتعالى

(تهنئة العيد)

لحبي المسافر

اهنئك يا حبيب قاي بحلول العيد
يعود عليك وانت بصحه ونفرح مزيد
العيد دا حلو بوجودك بس انت بعيد
الله يردك لحبيك مسرور وسعيد

تهنئة حلول رمضان

الى الأديب الفاضل محمد افندى حسنين بمكتب بريد السويس

أخى وحبيب قلبي المنصان محمد افندى حسنين
اهنئك بحلول رمضان كل، التهانى يا نور العين
فرد على قائلا

كان حقى اكون قبلك اهنى من كل قلبي وجوارحى
لكن أدايك سحرتي فكان لها أكبر فرحى
فأشكره

نظمت ما يأتى لطالب صغير من طلبة «معهد حراء الاسلامي»
بالاسماعيليه ليلقيه فى الحفلة التي أقامتها جمعية الاخوان المسلمين لمناسبة
المولد النبوى الشريف

نور الحبيب المصطفى لما اشتهر :

الشرك بالله اختفى والدين ظهر

الأرض فرحت والسما يوم ما اتولد

والدنيا دى منها العما رح وابعد

من بعد ما كانوا العجم ويا العرب

كفار وعباد للصنم أهل الغضب

آمنهم بدين المرحمه واتمسكم

به نالوا كل المسكرمه ده مجدكم

الدين بتاعنا دين قوى عن كل دين

ع انسعد والخير يحتوى بامسالمين

ماهنونوش ف الدين بقي يكفى الرقاد

وفقمنا دى لللقى رب العباد

اعلان

لمحل الحاقى العظيم « قنصل » بالزقاريق

إن كنت عاوز تقطر فول وف المسا تنعشى كبابه

محل (تنصل) مش مقفول مفتوح وفيه أكل الأحباب

كفت. كباب. فول بالزبدہ وعیش ماتستغناش عنه
 لو كلت صابع م الكفته تاكل صوابك ورامنه
 طعمنا جداً تقنينه بكل ماى امكاننا
 كل الزباين عرفينه يابخت من زار دكاننا
 (الوز) ف ساعة الصبحيه الله عليه لما تدوقه
 لذيذ وزى العجميه °°° والزبدہ سايجه من فوقه
 بالنسبه للحاله الحاضره عملنا تخفيض ف الاتمان
 رطل الكباب لجل الفقرا بستمه صاغ والكفته كان
 خمس صواب مش صباين بقرش صاغ واحد يا بلاش
 ومن يشوف الرخا بالعين ومن كباينا مايتعشاش
 محلنا لجل الموعود نضيف وللناس يينادى
 الله يديم الرخا والجود ويحل عنا الازمه دى

﴿ اعلان ﴾ لمحل ابراهيم السيد المحلاوى جزمى بالاسماعيل

ياللى عاوز جزمه آخر موده شرف عند اخوك
مش تروح ف محل تانى عند ناس يستلبخوك
عندنا احسن قوالب والجلود أصناف كثير
يعجبك تفصيلنا مهما كان مقاس رجلك كبير
والشروط ساعة ما تاخذ المقاس تدفع ريال
زى عربون يلالى عاوز مننا جوز جزمه عال
تهز دى الفرصه يالله ياللى وياك الفلوس
ادخل الدكان قايس الا يوم العيد تحوس
بدنا نبسط جنابك بدنا نهديك يجوز
شغل جيد يستحيل بعد عام يحتاج للوز
عندنا ذمه ف عملنا عندنا اخلاص عظيم
بدنا نخدم وطننا جربوا شغل ابراهيم

﴿ تم الجزء الأول ﴾

